

Bosna i Hercegovina
Federacija Bosne i Hercegovine
Kanton Sarajevo
KANTONALNI SUD U SARAJEVU
Broj: 09 0 K 025867 20 K 2
Sarajevo, 09.10.2020. godine

U IME FEDERACIJE BOSNE I HERCEGOVINE!

Kantonalni sud u Sarajevu u vijeću sastavljenom od sudija Todorović Igora kao predsjednika vijeća, te sudija Aide Salčinović Kuljanin i Slavice Džaferović kao članova vijeća, uz sudjelovanje zapisničara Kemije Kurtović, u krivičnom predmetu protiv optuženog S.S. zbog krivičnog djela organizirani kriminal iz člana 342. stav 2. KZ FBiH u vezi sa krivičnim djelom razbojništvo iz člana 289. stav 2. u vezi sa stavom 1. KZ FBiH radnjama opisanim pod tačkama 1-9 dispozitiva optužnice, zatim u vezi sa krivičnim djelom oštećenje tuđe stvari iz člana 293. stav 1. KZ F BiH i krivičnim djelom izazivanje opće opasnosti iz člana 323. stav 1. KZ F BiH, postupajući po optužnici Kantonalnog tužilaštva Kantona Sarajevo, broj T09 0 KT 0081551 15, od 01.07.2015. godine, nakon održanog glavnog, usmenog i javnog pretresa u prisutnosti branioca optuženog Džeme Hasanagić Milaimi, advokata iz Sarajeva, nakon vijećanja i glasanja, sud je donio, a predsjednik vijeća dana 09.10.2020. godine, javno objavio sljedeću:

P R E S U D U

PREMA OPTUŽENOM: S.S., sinu S.B. i majke S.S.1, rođene O.S., rođen ... godine u K., općina K., stalno nastanjen u u I. ..., po zanimanju NK radnik, bez zaposlenja, oženjen, otac petoro djece, jednog mlđb., državljanin BIH, po narodnosti Bošnjak, JMBG..., osuđivan;

Na osnovu člana 298. stav 1. tačka e) Zakona o krivičnom postupku Federacije Bosne i Hercegovine,

ODBIJA SE OPTUŽBA

Da je:

U vremenskom periodu od novembra 2014. godine pa do lišenja slobode 02.02.2015. godine, na području Kantona Sarajevo, u cilju sticanja protupravne imovinske koristi, postao pripadnikom grupe ljudi koju je organizovao P.E., skupa sa A.B., S.A., S.E. i T.E., odnosno svojim dobrovoljnim pristankom postao pripadnik organizovane grupe, sve u

smislu odredbi člana 2. st. 16. i 17. KZ F BiH, a radi počinjenja krivičnih djela razbojništva iz člana 289. stav 2. u vezi sa stavom 1. KZ FBiH, na način što je P.E. u cilju počinjenja krivičnih djela u sastavu organizirane grupe nabavio vozila, vatreno oružje, odnosno automatske puške, pištolje, motorole kao i druge predmete, koje je skupa sa članovima grupe koristio kao sredstva izvršenja krivičnih djela, pa su zajedničkim djelovanjem i međusobno dogovorenim i povezanim radnjama u naznačenom periodu vršili krivična djela razbojništva čime su ostvarili protivpravnu imovinsku korist u neutvrđenom iznosu, pa je tako:

S.S. skupa sa P.E. i A.B. i sa ostalim njima poznatim članovima grupe

1. Dana 12.11.2014. godine oko 12,10 sati, po prethodnom dogovoru, a s ciljem da sebi pribave protivpravnu imovinsku korist izvršili krivično djelo razbojništva u „JP BH Pošta“- d.o.o. Sarajevo u ul. B. ..., na način što su se na pomenutu lokaciju dovezli pmv marke „Audi 100“, reg. Oznaka ..., te nakon što su se prethodno maskirali na način da su na glave stavili kape tzv. „fantomke“, a na ruke rukavice, ušli u poštu naoružani sa automatskom puškom i pištoljem gdje su zatekli radnike pošte B.E. i H.F., kojima su uz prijetnju vatrenim oružjem naredili da legnu na pod da bi potom iz kase i ladica koje se nalaze ispod pulta uzeli i prisvojili novac u iznosu od oko 3000,00 KM, a sa radnog stola uzeli i prisvojili mobilni telefon marke „Sony Ericson“ crne boje sa SIM karticom pozivnog broja ..., vlasništvo H.F. u vrijednosti od oko 50,00 KM, nakon čega su napustili lice mjesta i udaljili se u nepoznatom pravcu,

S.S. skupa sa P.E. i A.B. i sa ostalim njima poznatim članovima grupe

2. Dana 12.11.2014. godine oko 18,05 sati, po prethodnom dogovoru, a s ciljem da sebi pribave protivpravnu imovinsku korist izvršili krivično djelo razbojništva u trgovinsku radnju "Konzum" koja je locirana u I. ..., na način što su se putničkim vozilom marke "Audi 100", registarskih oznaka... sive boje dovezli do pomenute lokacije, te nakon što su se prethodno maskirali sa kapama tzv. „fantomkama“, a na ruke stavili rukavice, ušli u prodavnicu „Konzum“ noseći u rukama automatsku pušku gdje su zatekli radnicu V.D. i naredili joj da otključa kasu te su iz iste uzeli i prisvojili novac u iznosu od oko 900,00 KM, nakon čega su napustili lice mjesta odvozeći se u nepoznatom pravcu,

S.S. skupa sa P.E. i A.B. i sa ostalim njima poznatim članovima grupe

3. Dana 19.11.2014. godine oko 21,10 sati, po prethodnom dogovoru, a s ciljem da sebi pribave protivpravnu imovinsku korist, izvršili krivično djelo razbojništva u sportsku kladionicu "BH PLAY" d.o.o. Visoko, poslovnica „Ilidža-Kasindolska“, koja je locirana u ulici I. ..., na način što su se na pomenutu lokaciju dovezli putničkim vozilom marke "Audi 100" sive boje, registarskih oznaka ..., te nakon što su se prije ulaska u pomenutu poslovnicu maskirali sa kapama tzv. „fantomkama“, a na ruke stavili rukavice i naoružali na način da su u rukama nosili automatsku pušku i pištolj, nakon čega su radnicama kladionice R.S. i P.E.1 kao i licu koje se zateklo u kladionici F.A. naredili da legnu da bi

potom iz pulta, iz kutije gdje je držan novac, uzeli i prisvojili oko 500,00 KM, a od radnice R.S. uzeli i prisvojili žensku kožnu torbu smeđe boje u kojoj su se nalazili novac u iznosu od oko 200,00 KM, lična karta i dvije bankovne kartice a od radnice P.E.1 uzeli i prisvojili žensku kožnu torbu crne boje u kojoj su se nalazili mobilni telefon marke LG sa SIM karticom pozivnog broja ..., ključevi od stana i šminka, te od F.A. uzeli i prisvojili mobilni telefon marke „Samsung Galaxy ACE“ sa SIM karticom pozivnog broja ..., nakon čega su se sa otuđenim stvarima udaljili sa lica mjesta u nepoznatom pravcu,

S.S. skupa sa P.E., A.B. i S.A. i sa ostalim njima poznatim članovima grupe

4. Dana 12.12.2014. godine oko 12,35 sati, po prethodnom dogovoru, a s ciljem da sebi pribave protivpravnu imovinsku korist, izvršili krivično djelo razbojništva u „JP BH Pošta“ d.o.o. Sarajevo u I. ..., na način što su se putničkim vozilom marke "Audi 100" sive boje, reg. oznaka ... dovezli u naselje B., da bi nakon kraćeg obilaska terena dogovorili da izvrše krivično djelo razbojništva u pomenutu poštu, a nakon što su se prethodno maskirali kapama sa prorezima za oči tzv "fantomkama" i na ruke stavili rukavice ušli u poštu noseći u rukama automatske puške gdje su zatekli dva radnika pošte B.M. i M.E., nakon čega su uz prijetnju pomenutog vatrenog oružja naredili B.M. da im otključa sef, a zatim da legnu na pod što su oni i učinili, nakon čega su iz sefa uzeli i prisvojili novac u iznosu od oko 6.000,00 KM, da bi se potom odvezli u nepoznatom pravcu,

S.S. skupa sa P.E. i A.B. i sa ostalim njima poznatim članovima grupe

5. Dana 22.12.2014. godine oko 22,00 sati, po prethodnom dogovoru, a s ciljem da sebi pribave protivpravnu imovinsku korist, izvršili krivično djelo razbojništva u sportsku kladionicu "5 Plus" d.o.o. Vitez u ulici S. ..., na način što su putničkim vozilom marke "Audi 100", registarskih oznaka ..., sive boje se dovezli u ulici S.Z. gdje su se prethodno maskirali tako što su na glave navukli kape tzv "fantomke", a na ruke su navukli rukavice, da bi po ulasku u kladionicu zatekli radnicu L.A., te posjetioce kladionice B.S., X.Y., P.N., nakon čega su repetirali pušku koju su držali u rukama i naredili prisutnim da legnu na pod što su isti i učinili nakon čega su ušli u prostor gdje se nalazi pult te iz registar kase uzeli i prisvojili novac u iznosu od oko 380,00 KM, mobilni telefon marke Samsung crne boje sa SIM karticom pozivnog broja ..., žensku kožnu torbu smeđe boje vlasništvo radnice L.A. u kojoj se nalazio novac u iznosu od oko 30,00 KM, lični dokumenti, dioptrijske naočale i bankovna kartica, mobilni telefon marke HTC WILD FIRE 330, smeđe boje sa SIM karticom pozivnog broja ... i memorijskom karticom crne boje marke SAN DISK MICRO SD kapaciteta 2 GB vlasništvo B.S., mobilni telefon marke Samsung Galaxy S4 bijele boje SIM kartice broj ... vlasništvo X.Y., mobilni telefon marke HUAWEI crne boje, SIM kartice broj ... Imei broj ..., ručni sat NN marke i novac u iznosu od oko 40,00 KM vlasništvo P.N., nakon čega su se sa otuđenim predmetima udaljili sa lica mjesta u nepoznatom pravcu,

S.S. skupa sa P.E. i A.B. i sa ostalim njima poznatim članovima grupe

6. Dana 10.01.2015. godine oko 09,17 sati, po prethodnom dogovoru a s ciljem da sebi pribave protupravnu imovinsku korist, izvršili krivično djelo razbojništva u „JP BH pošta“ d.o.o. Sarajevo u T. ..., na način što su se putničkim motornim vozilom marke "Audi 100" sive boje, registarskih oznaka ... dovezli na pomenutu lokaciju, te nakon što su se prethodno maskirali kapama tzv. „fantomkama“ i na ruke stavili rukavice ušli u poštu noseći u rukama automatsku pušku i pištolj gdje su zatekli radnike pošte K.S. i H.F.1 kojima su naredili da legnu na pod, a K.S. naredili da otvori kasu uperivši pušku u njegovom pravcu nakon čega je isti to i učinio da bi iz kase uzeli i prisvojili novac u iznosu od oko 5800,00 KM, oko 2.300,00 EUR i oko 700,00 USD poslije čega su napustili lice mjesta odvozeći se u nepoznatom pravcu,

S.S. skupa sa P.E., A.B., S.A. i S.E. i sa ostalim njima poznatim članovima grupe

7. Dana 22.01.2015. godine oko 19,00 sati, po prethodnom dogovoru, a s ciljem da sebi pribave protupravnu imovinsku korist, dovezli se putničkim motornim vozilom marke „Audi 100“ sive boje, registarskih oznaka, ... do prodajnog objekta „Škafa“ u ulici I. ..., te nakon što su se prethodno maskirali sa kapama na glavi tzv. „fantomkama“ došli do zadnje strane pomenutog objekta noseći u rukama automatske puške, gdje su zatekli čuvara objekta P.N.1 kojem su uz prijetnju pomenutim oružjem naredili da legne na asfaltnu podlogu ispred objekta nakon čega su pajserom pokušavali otvoriti vrata u čemu nisu uspjeli da bi se potom odvezli sa pomenutim vozilom u nepoznatom pravcu,

S.S. skupa sa P.E. i A.B. i sa ostalim njima poznatim članovima grupe

8. Dana 22.01.2015. godine oko 19,15 sati, po prethodnom dogovoru a s ciljem da sebi pribave protupravnu imovinsku korist, izvršili krivično djelo razbojništva u firmu "Kerametal" d.o.o Ljubuški, prodajni centar Sarajevo u I. ..., na način što su se putničkim motornim vozilom marke „Audi 100“ sive boje, registarskih oznaka ... dovezli do pomenute lokacije a nakon što su se prethodno maskirali sa kapama tzv. „fantomkama“ i na ruke stavili rukavice, ušli u prodajni centar „Kerametal“ noseći u rukama automatsku pušku, gdje su zatekli radnike pomenute firme H.A., L.S. i Č.M. nakon čega su Č.M. oborili na pod i udarali nogama po svim dijelovima tijela nakon čega su nogama udarali u kasu sa namjerom da je otvore, te su iz iste uzeli i prisvojili novac u iznosu od oko 200,00 KM, zatim su uzeli i prisvojili tablet marke „Samsung Galaxy“ bijele boje, serijskog broja ... vlasništvo firme LYONES, žensku torbu u kojoj su se nalazili novčanik, novac u iznosu od 50,00 KM, bankovne kartice, mobilni telefon marke Nokia Lumia 620, crne boje, sa SIM karticom broj ..., IMEI broja ..., mobilni telefon marke Nokia, sa SIM karticom broja ... vlasništvo H.A., novčanik sa vozačkom dozvolom i ličnim dokumentima te novcem u iznosu od 50,00 KM vlasništvo L.S. nakon čega su se sa otuđenim predmetima udaljili u nepoznatom pravcu,

S.S. skupa sa P.E., A.B. i T.E. i sa ostalim njima poznatim članovima grupe

9. Dana 23.01.2015. godine oko 14,55 sati, po prethodnom dogovoru, a s ciljem da sebi pribave protivpravnu imovinsku korist izvršili krivično djelo razbojništva u „JP BH Pošta“- d.o.o. Sarajevo u ul. B. ..., na način što su se na pomenutu lokaciju dovezli pmv marke „Audi 100“ registarskih oznaka ..., te nakon što su se prethodno maskirali na način da su na glave stavili kape tzv. „fantomke“ a na ruke rukavice, ušli u poštu naoružani sa automatskom puškom i pištoljem gdje su zatekli radnike pošte D.S., H.F. i M.S., da bi odmah po ulasku u šalter salu pomenute pošte odgurnuli D.S. govoreći mu: “Pljačka, lezi“ nakon čega udarcima puške razbili staklo na vratima radnog prostora te kroz načinjeni otvor ušli u tu prostoriju i fizički napali uposlenike pošte H.F. i M.S. udarajući ih nogama i rukama po svim dijelovima tijela usljed čega je H.F. zadobila lake tjelesne povrede u vidu nagnječine u predjelu grudnog koša sa desne strane, nagnječine u predjelu trbuha sa desne strane, a M.S. zadobio lake tjelesne povrede u vidu nagnječine u predjelu lijevog oka, nagnječine u predjelu lijevog ramena, nakon čega su izvršili premetačinu stvari i predmeta u pošti nakon čega su iz pulta uzeli i prisvojili novac u iznosu od oko 4.800,00KM, oko 1.000,00 EUR i oko 1000,00 USD u raznim apoenima, nakon toga su pobjegli sa lica mjesta u nepoznatom pravcu,

S.S. skupa sa P.E. i A.B. i sa ostalim njima poznatim članovima grupe

10. Dana 09.01.2015. godine u ulici R. ..., otvorenim plamenom zapalili putničko vozilo marke "Škoda Felicija" reg. oznaka ..., vlasništvo I.M. iz H., te na taj način izazvali opasnost za život ljudi i imovinu većeg opsega i uništili tuđu stvar te na taj način oštetili vlasnika za iznos novca od oko 3.000,00 KM,

S.S. skupa sa P.E. i A.B. i sa ostalim njima poznatim članovima grupe

11. Dana 22.01.2015. godine u ulici P. ..., otvorenim plamenom zapalili putničko vozilo marke "Volkswagen" tip 19E reg. oznaka ..., vlasništvo P.A. iz I. ..., te na taj način izazvali opasnost za život ljudi i imovinu većeg opsega i uništili tuđu stvar te na taj način oštetili vlasnika za iznos novca od oko 1.500,00 KM,

Čime bi počinio: krivično djelo organizirani kriminal iz člana 342. stav 2. KZ FBiH u vezi sa krivičnim djelom razbojništvo iz člana 289. stav 2. u vezi sa stavom 1. KZ FBiH radnjama opisanim pod tačkama 1-9 dispozitiva optužnice, zatim u vezi sa krivičnim djelom oštećenje tuđe stvari iz člana 293. stav 1. KZ F BiH i krivičnim djelom izazivanje opće opasnosti iz člana 323. stav 1. KZ F BiH radnjama opisanim pod tačkama 10. i 11. dispozitiva optužnice,

Na osnovu člana 212. stav 4. ZKP FBiH oštećeni H.F., R.S., B.M., P.N., H.F.1, I.M., P.A., „JP BH Pošta“ d.o.o. Sarajevo, "Konzum" d.o.o. Sarajevo, Sportska kladionica "BH PLAY" d.o.o. Visoko, Sportska kladionica "5 Plus" d.o.o. Vitez, Firma "Kerametal" d.o.o. Ljubuški, prodajni centar Sarajevo, radi ostvarivanja imovinskopravnog zahtjeva upućuju se na parnicu.

Na osnovu odredbi člana 203. stav 1. ZKP FBiH, optuženi se oslobađa dužnosti plaćanja troškova krivičnog postupka i paušala, te isti padaju na teret budžetskih sredstava suda.

O b r a z l o ž e n j e

Optužnicom broj T09 0 KT 0081551 15, od 01.07.2015. godine Kantonalnog tužilaštva Sarajevo optužilo je S.S. zbog krivičnog djela organizirani kriminal iz člana 342. stav 2. KZ FBiH u vezi sa krivičnim djelom razbojništvo iz člana 289. stav 2. u vezi sa stavom 1. KZ FBiH radnjama opisanim pod tačkama 1-9 dispozitiva optužnice, zatim u vezi sa krivičnim djelom oštećenje tuđe stvari iz člana 293. stav 1. KZ F BiH i krivičnim djelom izazivanje opće opasnosti iz člana 323. stav 1. KZ F BiH radnjama opisanim pod tačkama 10. i 11. dispozitiva optužnice. Optužnica je potvrđena od strane ovog suda dana 01.02.2017. godine. Na ročištu za izjašnjavanje o krivnji održanom dana 20.02.2017. godine optuženi se izjasnio da nije kriv za navedeno krivično djelo, nakon čega je predmet dostavljen drugom sudiji i proveden glavni pretres.

Obzirom da se u ovom predmetu vodio odvojen postupak protiv S.S., te da su predmetnom optužnicom pored S.S. i P.E., A.B., S.E., S.A. i T.E. tako da je rješenjem ovog suda na glavnom pretresu od 22.02.2016. godine, razdvojen krivični postupak u odnosu na S.S. i odlučeno je da se isti vodi odvojeno od postupka prema ostalim optuženim u odnosu prema kojima je okončan postupak donošenjem presude na osnovu prihvatanja sporazuma o priznanju krivnje.

Dana 11.04.2016. godine tužilac je precizirao optužnicu obzirom na činjenicu da je optužnicom Kantonalnog tužilaštva od 01.07.2015. godine, optuženom S.S. zajedno sa drugim optuženim koji su u međuvremenu zaključili sporazum o priznanju krivice, te im izrečena presuda za navedene radnje da su je konkretno S.S. zajedno sa gore pobrojanim licima kao član grupe za organizirani kriminal počinio krivično djelo propisano Zakonom Federacije i to opisano u tačkama od 1 do 10 predmetne optužnice, silom i ozbiljnom prijetnjom uz upotrebu oružja drugog prisilili da što učini na štetu svoje imovine. Zatim pod tačkama 11. i 12. P.E., S.S. i A.B. uništili tuđu stvar i požarom izazvali opasnost za život ljudi i imovinu većeg opsega, te su tako između ostalih S.S. zajedno sa ovim drugim saizvršiocima počinili organizirani kriminal iz člana 342. stav 2. pod tačkama od 1 do 10, u vezi sa krivičnim djelom razbojništvo iz člana 289. stav 2. u vezi sa stavom 1. KZ FBiH. Te pod tačkama 11 i 12 krivično djelo organizirani kriminal u vezi sa krivičnim djelom oštećenje tuđe stvari iz člana 293. KZ F BiH.

Nakon provedenog glavnog pretresa, sud je dana 30.05.2018. godine donio presudu broj 09 0 K 025867 16 K kojom je optuženog S.S. oslobodio od optužbe da je učinio krivično djelo Organizirani kriminal iz člana 342. stav 2. Krivičnog zakona Federacije Bosne i Hercegovine (KZ FBiH), u vezi sa krivičnim djelima: Razbojništvo iz člana 289. stav 2. u vezi sa stavom 1. KZ FBiH, Oštećenje tuđe stvari iz člana 293. stav 1. KZ FBiH i Izazivanje opće opasnosti iz člana 323. stav 1. KZ FBiH.

Istom presudom, a na osnovu člana 203. stav 1. Zakona o krivičnom postupku Federacije Bosne i Hercegovine (ZKP FBiH), optuženi je oslobođen obaveze da naknadi troškove krivičnog postupka, a temeljem člana 212. stav 4. istog zakona, oštećeni H.F., R.S., B.M., P.N., H.F.1, I.M., P.A., "JP BH Pošta" d.o.o. Sarajevo, "Konzum" d.o.o. Sarajevo, Sportska kladionica "BH PLAY" d.o.o. Visoko, Sportska kladionica "5 Plus" d.o.o. Vitez, Firma "Kerametal" d.o.o. Ljubuški, prodajni centar Sarajevo su sa imovinskopравnim zahtjevom upućeni na parnični postupak.

Odlučujući o žalbi kantonalne tužiteljice izjavljenoj protvi navedene presude, Vrhovni sud Federacije Bosne i Hercegovine je dana 18.12.2019. godine donio rješenje broj 09 0 K 025867 18 Kž 11, kojim se žalba kantonalne tužiteljice u Sarajevu djelimično uvažava i ukida presuda Kantonalnog suda u Sarajevu broj 09 0 K 025867 16 K od 30.05.2018. godine, pa se predmet vraća prvostepenom sudu na ponovno suđenje.

Shodno uputama drugostepenog suda, a temeljem odredbe člana 331a. ZKP FBiH, ovaj sud je proveo ponovljeni glavni pretres.

Shodno članu 331a. stav 4. ZKP FBiH, preuzeti su sledeći dokazi tužilaštva: zapisnici o saslušanju svjedoka K.S.1, S.A.1, J.A., L.S.1, H.M., P.S., A.I., O.A., B.M., M.E., H.F., M.S., M.A., P.S.1, D.S., K.V., R.S., P.E.1, Š.A., B.S., P.N., Š.A.1, F.A., K.S., B.E., V.D., H.E., H.A., H.E.1, L.S., I.M., P.A., R.D., P.N.1, S.Dž., Z.Dž., E.S., F.M., S.S.2 te vještaci: Nijaz Smajić, Adnan Bešlić Hamza Žujo, Ušanović Alma, Bešlija Mirhan, Šimunović Davor, Elmira Karahasanović i Omerspahić Fatima, te se uloženi slijedeći materijalni dokazi: naredba za pretresanje prostorija, osoba i stvari izdata od strane sudije za prethodni postupak Kantonalnog suda u Sarajevu, MUP Kantona Sarajevo, Sektor kriminalističke policije, Odjeljenje za opći kriminal broj: 02/2-2-2-20/15 od 02.02.2015. godine, službena zabilješka sudije za prethodni postupak Kantonalnog suda u Sarajevu broj: 09 0 K 023101 15 Kpp od 03.02.2015. godine. Ovo je sačinjena službena zabilješka na okolnost izdavanja naredbe, usmene naredbe za pretres; zatim Zapisnik o pretresanju, ovaj se zapisnik o pretresanju odnosi na pretresanje, znači stana koji su članovi grupe koristili u ulici G. ..., broj: 02/2-2-2-20/15 od 02.02.2015. godine; Izvještaj o izvršenom pretresu stana u ulici G. ..., MUP Kantona Sarajevo, broj: 02/2-2-2-20/15 od 02.02.2015. godine; zatim potvrda o privremenom oduzimanju predmeta MUP Kantona Sarajevo, Sektor kriminalističke policije, Odjeljenje za opći kriminal, broj: 02/2-2-2-24/15 od 02.02.2015. godine; zapisnik o pretresanju putničkog motornog vozila marke „Alfa Romeo“, broj: 02/2-2-2-20/15 od 02.02.2015. godine; izvještaj o izvršenom pretresu pomenutog putničkog motornog vozila, broj: 02/2-2-2-20/15 od 02.02.2015. godine; potvrda o privremenom oduzimanju predmeta, broj: 02/2-2-2-21/15 od 02.02.2015. godine; naredba za čuvanje predmeta izdata od strane sudije za prethodni postupak Kantonalnog suda u Sarajevu broj: 09 0 K 023101 15 Kpp od 06.02.2015. godine; usmena naredba sudije za prethodni postupak Kantonalnog suda u Sarajevu za pretresanje porodične kuće u ulici M.B. ..., broj: 02/2-2-2-24/15 od 03.02.2015. godine; zapisnik o pretresanju MUP-a Kantona Sarajevo, broj je 02/2-2-2-24/15 od 03.02.2015. godine; zatim izvještaj o izvršenom pretresanju MUP-a Kantona Sarajevo,

Sektor kriminalističke policije, Odjeljenje za opći kriminal, broj: 02/2-2-2-24/15 od 03.02.2015. godine; potvrda o privremenom oduzimanju predmeta MUP Kantona Sarajevo, broj: 02/2-2-2-26/15 od 03.02.2015. godine; naredba za čuvanje predmeta, izdata od strane sudije za prethodni postupak Kantonalnog suda u Sarajevu, broj: 09 0 K 023101 15 Kpp 3 od 06.02.2015.; usmena naredba sudije za prethodni postupak Kantonalnog suda u Sarajevu za pretresanje porodične kuće i pratećih objekata u ulici F. ..., koju koristi J.A., koji je saslušan ovdje kao svjedoka, kao i motornih vozila, znači broj: 02/2-2-2-21/15 od 03.02.2015. godine; zapisnik o pretresanju, broj: 02/2-2-2-21/15 od 03.02.2015. godine; izvještaj povodom izvršenog pretresa kuće i pratećih objekata, koje koristi J.A. u ulici F. ..., broj: 02/2-2-2-21/15 od 03.02.2015. godine; potvrda o privremenom oduzimanju predmeta broj: 02/2-2-2-25/15 od 03.02.2015. godine; naredba za čuvanje predmeta Kantonalnog suda u Sarajevu, broj: 09 0 K 023101 15 Kpp 2 od 05.02.2015. godine; naredba za čuvanje predmeta broj: 09 0 K 023101 15 Kpp 10 od 06.02.2015. godine; naredba za čuvanje predmeta 09 0 K 023101 15 Kpp 9 od 06.02.2015. godine; zatim potvrda o privremenom oduzimanju predmeta broj: 02/2-2-2-27/15 od 02.02.2015. godine; izvještaj o izvršenom pretresanju lica bez naredbe S.S, MUP Kantona Sarajevo, Sektor kriminalističke policije, broj: 02/2-2-2-19/15 od 02.02.2015. godine; zapisnik o pretresanju osobe S.S., broj: 02/2-2-2-19/15 od 02.02.2015. godine; te potvrda kojom se privremeno oduzimaju predmeti od S.S., broj: 02/2-2-2-22/15 od 02.02.2015. godine; obavijest o izvršenom pretresanju osobe bez naredbe za pretresanje, Kantonalnog tužilaštva u Sarajevu broj: T09 0 KT 0081551 15 od 04.02.2015. godine; zatim naredba za čuvanje predmeta izdata od strane sudije za prethodni postupak Kantonalnog suda u Sarajevu, broj: 09 0 K 023101 15 Kpp 6 od 05.02.2015. godine; potvrda o privremenom oduzimanju predmeta od M.A., 02/2-2-2-23/15 od 02.02.2015. godine; naredba za čuvanje predmeta izdata od strane sudije za prethodni postupak Kantonalnog suda u Sarajevu, broj: 09 0 K 023101 15 Kpp 7 od 05.02.2015. godine; naredba za čuvanje predmeta izdata od strane sudije za prethodni postupak 09 0 K 023101 15 Kpp 21 od 17.02.2015. godine; zapisnik o otvaranju i pregledu privremeno oduzetih predmeta, sačinjen na osnovu člana 85. Zakona o krivičnom postupku Federacije BiH, Kantonalno tužilaštvo Sarajevo, broj: T09 0 KT 0081551 15 od 13.02.2015. godine; naredba sudije za prethodni postupak Kantonalnog suda u Sarajevu za oduzimanje CD sa video zapisom broj: 09 0 K 023101 15 Kpp 18 od 16.02.2015. godine; zatim, naredba također za oduzimanje CD-a sa video zapisom, broj je 09 0 K 023101 15 Kpp 16 od 16.02.2015. godine; potvrda o privremenom oduzimanju predmeta MUP Kantona Sarajevo, III PU, PS Novi Grad, broj: 02/5-3-2-87/15 od 24.02.2015. godine; potvrda o privremenom oduzimanju predmeta MUP Kantona Sarajevo, broj: 02/5-4-3.2-05/15 od 04.03.2015. godine; potvrda o privremenom oduzimanju predmeta broj: 02/5-4-3.1-45/15 od 27.02.2015. godine; potvrda o privremenom oduzimanju predmeta broj: 02/5-4-3.1-46/15 od 18.02.2015. godine; potvrda o privremenom oduzimanju predmeta 02/5-4-3.1-47/15 od 27.02.2015. godine; potvrda o privremenom oduzimanju predmeta MUP-a Kantona Sarajevo, IV PU, 02/5-4-3.1-48/15 od 27.02.2015. godine; naredba za čuvanje predmeta izdata od strane sudije za prethodni postupak Kantonalnog suda u Sarajevu, broj je 09 0 K 023101 15 Kpp 30 od 12.03.2015. godine; naredba za čuvanje predmeta izdata od strane sudije za prethodni postupak, broj, 28., naredba za čuvanje predmeta izdata od strane sudije za prethodni postupak Kantonalnog suda u Sarajevu, broj: 09 0 K 023101 15 Kpp je 28 od 04.03.2015. godine; nalaz i mišljenje doktora Ž.H. od 04.06.2015. godine; zatim

medicinska dokumentacija Kliničkog centra, Klinika urgentne medicine na ime H.F. i medicinska dokumentacija na ime M.S.; izvještaj o vještačenju video snimaka i sačinjavanju fotodokumentacije, Agencija za forenzička ispitivanja BiH od 29.04.2015. godine, sa fotodokumentacijom, sa fotodokumentacijom, to je znači fotodokumentacija sa fotografijama koje su označene sa oznakama 14-4-1-04-1-231-3/15 - 16 fotografija; nalaz i mišljenje biološkog vještačenja, Federalna uprava policije, Centar za forenzičku i informatičku podršku broj: 15/3-04-5-1654/15 od 30.03.2015. godine; nalaz i mišljenje biološkog vještačenja, Federalna uprava policije, Centar za forenzičku i informatičku podršku broj: 10-15-04-5-718/15 od 09.03.2015.godine; nalaz i mišljenje vještačenja tragova vatrenog oružja MUP Kantona Sarajevo, Odjeljenje za kriminalističku tehniku, forenziku i KDZ, broj 02/2-6-04-19-1991 od 23.03.2015. godine; nalaz i mišljenje vještačenja identifikacionih oznaka vozila marke „Audi“, tip 100 Qatro, registarskih oznaka ... MUP Kantona Sarajevo, broj 02/2-6-04-19-1991/15 od 25.03.2015. godine; nalaz i mišljenje vještačenja identifikacionih oznaka vozila marke „Alfa Romeo“, registarskih oznaka ... MUP Kantona Sarajevo, Sektor kriminalističke policije, Odjeljenje za kriminalističku tehniku, forenziku i KDZ, broj: 02/2-6-04-19-1991/15 od 25.03.2015. godine; zapisnik o uviđaju MUP-a Kantona Sarajevo, a odnosi se na pojedinačna krivična djela tih razbojništava, III PU, Odjeljenje kriminalističke policije broj: 02/5-3-2-3211/14 od 12.11.2014. godine; za tačku 2 optužnice, zapisnik o uviđaju MUP Kantona Sarajevo, IV PU, Odjeljenje kriminalističke policije broj: 02/5-4-3.1-349/14 od 12.11.2014. godine; dokumentacija firme „Konzum“ d.o.o., a vezano za pričinjenu štetu, broj: 05272/15 od 16.06.2015. godine, zapisnik o uviđaju MUP-a Kantona Sarajevo, IV PU, Odjeljenje kriminalističke policije, broj: 02/5-4-3.1-365/14 od 19.11.2014. godine; potvrda kojom se potvrđuje da je P.S.1 dana 14.01.2015. godine, predala žensku torbu u Kantonalno tužilaštvo Travnik broj: T05 0 KTA 0015167 15 od 14.01.2014. godine; zatim, zapisnik o prepoznavanju predmeta MUP Kantona Sarajevo, Sektor kriminalističke policije broj: 02/2-2-2-73/15 od 11.02.2015. godine, u prilogu fotodokumentacija MUP Travnik, PS Kiseljak, broj: 02/6-3-1-04-2-6/15 od, datum izrade 19.02.2015. godine; zatim, zapisnik o predaji privremeno oduzetih predmeta, zapisnik o predaji privremeno oduzetih predmeta, PU Kiseljak broj: 02/6-2-04-2-227/15VK od 11.02.2015. godine i potvrda o vraćanju privremeno oduzetih predmeta MUP Kantona Sarajevo Sektor kriminalističke policije, broj: 02/2-2-2-73/15 od 12.12.2014. godine; za tačku 4 optužnice je zapisnik o uviđaju MUP Kantona Sarajevo, Sektor kriminalističke policije, Odjeljenje za opšti kriminal broj: 02/2-2-2-68/14 od 12.12.2014. godine; za tačku 5 optužnice, zapisnik o uviđaju MUP Kantona Sarajevo, III PU, Odjeljenje kriminalističke policije, broj: 02/5-3-2-3695/14 od 22.12.2014. godine; odštetni zahtjev firme „Petica plus“ d.o.o. Vitez, broj: 534/2015 od 12.02.2015. godine -u prilogu zapisnik o izvršenoj kontroli uplatnog mjesta; potvrda o vraćanju privremeno oduzetog predmeta MUP Kantona Sarajevo, III PU broj: 02/5-3-2-SL/15 od 18.05.2015. godine; za tačku 6 optužnice, zapisnik o uviđaju MUP Kantona Sarajevo, IV PU, broj: 02/5-4-3.2-04/15 od 10.01.2015. godine; zatim, zapisnik o uviđaju MUP Kantona Sarajevo IV PU, Odjeljenje kriminalističke policije, broj: 02/5-4-3.1-35/14 od 22.01.2015. godine; odštetni zahtjev firme „Kera Metal“ d.o.o. Ljubuški, broj: 150123-AB01 od 23.01.2015. godine; potvrda o vraćanju privremeno oduzetih predmeta MUP Kantona Sarajevo, IV PU, broj: 02/5-4-3.1-SL/15 od 28.04.2015. godine, garantni list za mobilni aparat „Nokia Lumia 620“ sa pratećom dokumentacijom, vezano za kupovinu

mobilnog aparata na ime H.E.; potvrda o vraćanju privremeno oduzetih predmeta MUP Kantona Sarajevo, IV PU, Odsjek kriminalističke policije Ilidža, broj: 02/5-4-3.1-SL/15 od 28.04.2015. godine, na ime i kartonska kutija za tablet marke „Samsung“ sa IMEI brojem, vlasništvo firme „Kera Metal“ d.o.o. Ljubuški. kartonska kutija u odnosu identifikacije IMEI broja, aparata koji je vraćen vlasniku; za tačku 9 optužnice, zapisnik o uviđaju MUP Kantona Sarajevo, III PU, Odjeljenje kriminalističke policije, broj: 02/5-3-2-220/15 od 23.01.2015. godine; zatim za tačku 10 optužnice, zapisnik o uviđaju MUP Kantona Sarajevo, V PU, Odsjek kriminalističke policije Ilijaš, broj: 02/5-5-3.1-106/14 od 03.02.2015. godine; odštetni zahtjev firme „Premier Sport“ d.o.o. Čitluk, broj: 13-02/2015 od 11.02.2015. godine; zapisnik o prepoznavanju predmeta MUP Kantona Sarajevo, V PU, Odsjek kriminalističke policije Ilijaš, broj: 02/5-5-3.1-429/15 od 08.04.2015. godine; zapisnik o prepoznavanju MUP Kantona Sarajevo, V PU, broj: 02/5-5-3.1-430/15 od 08.04.2015. godine; potvrda o vraćanju privremeno oduzetih predmeta MUP Kantona Sarajevo, V PU, broj je 02/5-5-3.1-24-1/15 od 08.04.2015. godine; zapisnik o prepoznavanju predmeta broj: 02/5-5-3.1-586/15 od 22.06.2015. godine i potvrda o vraćanju privremeno oduzetih predmeta, broj: 02/5-5-3.1-SL/15 od 22.06.2015. godine; zatim za tačku 11 optužnice, zapisnik o uviđaju MUP Kantona Sarajevo, IV PU, Odsjek kriminalističke policije Hadžići, broj: 02/5-4-3.2-03/15 od 09.01.2015.godine i za tačku 12, zapisnik o uviđaju MUP Kantona Sarajevo, IV PU, u ulici Resnik broj 172, 02/5-4-3.2-03/15 od 09.01.2015. godine, tačka 12, izvještaji o oružanoj pljački u poštama, prvo u Pošti broj 71244, Tarčin Centar pošta, broj 10.2.5-16.7-745-2/15 od 12.01.2015.godine; izvještaj o oružanoj pljački u Pošti 71161 Rajlovac Tarčin broj: 10.2.5-16.7-24923-1/14 od 13.11.2014.godine izvještaj o oružanoj pljački u Pošti 71161 Rajlovac Tarčin broj: 10.2.5-16.7-1937-2/14 od 26.01.2015. godine i zapisnik – izvještaj o oružanoj pljački u Pošti 71215 Blažuj Centar broj: 10.2.5-16.7-27102-2/14 od 12.12.2014.godine; obavijest PS Kakanj, fotodokumentacija broj 342/15 od 02.04.2015.godine; izvještaj o kriminalističko tehničkoj pretrazi lica mjesta MUP Kantona Sarajevo, broj: KU: 2978/14 od 12.11.2014. godine; fotodokumentacija MUP-a Kantona Sarajevo, Sektor kriminalističke policije, Odjeljenje za kriminalističku tehniku i forenziku, broj: KU: 2978/14 od 12.11.2014. godine; izvještaj o kriminalističko tehničkoj pretrazi lica mjesta, broj 2981/14 od 12.11.2014. godine; kao i fotodokumentacija broj: KU:2981/14 od 12.11.2014. godine; izvještaj o kriminalističko tehničkoj pretrazi lica mjesta MUP Kantona Sarajevo, broj: 3070/14 od 22.11.2014. godine, i broj fotodokumentacije KU:3070/14 od 22.11.2014. godine; izvještaj o kriminalističko tehničkoj pretrazi lica mjesta, 3349/14 od 12.12.2014. godine i broj KU:3349/14 fotodokumentacija; izvještaj o kriminalističko tehničkoj pretrazi lica mjesta, broj: KU: 76/15 od 10.01.2015.godine, kao i fotodokumentacija 76/15 od 03.02.2015 .godine, izvještaj o kriminalističko tehničkoj pretrazi lica mjesta, broj: KU: 240/15 od 23.01.2015.godine; fotodokumentacija broj: KU:240/15 od 23.01.2015. godine; izvještaj o kriminalističko tehničkoj pretrazi lica mjesta, broj: KU:349/15 od 03.02.2015. godine kao i fotodokumentacija, broj: KU:349/15 od 03.02.2015.godine; izvod iz kaznene evidencije na ime PS Kakanj, MUP Zenica, odnosi se na S.S..

Isto tako, shodno članu 331a. stav 4. ZKP FBiH, preuzeti su sledeći dokazi odbrane: zapisnik o saslušanju svjedoka P.E., zapisnik o saslušanju optuženog S.S. koji je svjedočio u svoju korist, kao i materijalni dokazi, rješenje Ministarstva Unutrašnjih poslova Kantona Sarajevo broj UP-I-01/1-3-49/-980/18 od 23.03.2018. godine i uvid u uvjerenje MUP KS

Sektor za administraciju Ilidža da optuženi i njegovi članovi ne posjeduju motorno vozilo kao i prijava CIPSA o mjestu rješenja Ministarstvo Unutrašnjih poslova Sarajevo broj UP – I 01/1-3-49-980 od 20.03.2018. godine sa prilogom uprave administracije Sektora za administraciju Ilidža Trnovo MUP broj 01/5-8-04-5-761/18 od 29.01.2018. godine zatim ulaže uvjerenje MUP Odjeljenje za administraciju Ilidža i Trnovo broj 03/2-7-04-5-891/16 od 18.05.2016. godine i CIPS-ova prijavnica od 13.03.2016. godine.

U ponovnom postupku proveden je dokaz tužilaštva saslušanje svjedoka P.E..

Prilikom iznošenja završnih riječi tužilaštvo, braniteljica optuženog ostali su kod ranije datih završnih riječi. Optuženi se pridružio završnoj riječi braniteljice.

Nakon provedenog dokaznog postupka, sud je donio presudu kojom se prema optuženom S.S. optužba odbija. Ovaj sud nalazi da sada optuženi S.S. u toku istrage kao osumnjičeni nije ispitan u skladu sa odsredbama Zakona o krivičnom postupku Federacije Bosne i Hercegovine, te da zapisnik o njegovom saslušanju sačinjen u MUP-u KS Sektor kriminalističke policije Odjeljenje za opštu kriminal broj: 02/2-2-2-55/15 od 03.02.2015. godine i zapisnik sačinjen u Kantonalnom tužilaštvu Kantona Sarajevo broj T09 0 KT 0081551 15 od 04.02.2015. godine, nisu zakoniti dokazi.

Članom 240. stav 3. ZKP FBiH, propisano je da se optužnica ne može podići ako osumnjičeni nije bio ispitan.

Članom 92. stav 2. ZKP FBiH, propisano je, između ostalog, da će se na početku ispitivanja osumnjičenom saopštiti za koje krivično djelo se tereti i osnove sumnje protiv njega.

Članom 6. stav 1. ZKP FBiH je propisano da osumnjičeni već na prvom ispitivanju mora biti obaviješten o djelu za koje se tereti i o osnovama sumnje protiv njega i da njegov iskaz može biti korišten kao dokaz u daljnjem toku postupka.

Prema citiranoj zakonskoj, radi se o dvostrukom obavještenju: o djelu za koje se tereti i o osnovama sumnje protiv njega. Obavještenje o osnovama sumnje je obavještenje o činjenicama i dokazima na kojima se zasniva sumnja da je osoba izvršila djelo koje joj se stavlja na teret. Pružanje ovih obavještenja je obaveza onog ko obavlja ispitivanje i ta obavještenja se moraju dati prije početka ispitivanja.

Obavještenje o djelu za koje se tereti je obavještenje kako o činjeničnom opisu tako i o zakonskom opisu onoga što se osumnjičenom stavlja na teret. Uvidom u zapisnik o ispitivanju osumnjičenog, MUP KS Sektor kriminalističke policije Odjeljenje za opštu kriminal broj: 02/2-2-2-55/15 od 03.02.2015. godine, strana 3. kada je u pitanju krivično djelo koje se osumnjičenom stavlja na teret, je navedeno „ Vi se sumnjičite da ste zajedno sa P.E., A.B., S.E., S.A., A.I. i dr. počinili više krivičnih djela iz člana 289. KZ-a FBiH (razbojništvo)“. Dalje, kada je u pitanju osnov sumnje, navedeno je „ Osnovi sumnje proizilaze iz izjava svjedoka te prikupljenog operativnog materijala“.

Isto tako, u zapisniku o saslušanju osumnjičenog koji je sačinjan u Kantonalnom tužilaštvu Kantona Sarajevo broj T09 0 KT 0081551 15 od 04.02.2015. godine je u odnosu na

krivično djelo koje se osumnjičenom stavlja na teret navedeno „Vas se sumnjiči da ste počinili krivična djela organizirani kriminal iz člana 342. stav 3. u vezi sa krivičnim djelom razbojništvo iz člana 289. stav 2. KZ FBiH, zbog krivičnog djela teška razbojništvo iz člana 289. st. 2. u vezi stava 1. KZ FBiH, krivičnog djela oštećenje tuđe stvari iz člana 293. KZ FBiH i izazivanje opće opasnosti iz člana 323. KZ FBiH. Konstatuje se da se osumnjičenom čita Naredba o provođenju istrage od 03.02.2015. godine i to po tačkama od 1 do 18“. U pogledu osnova sumnje navedeni su dokazi iz kojih ista proizilazi.

Ovaj sud nalazi da na navedeni način optuženi nije adekvatno upoznat sa krivičnim djelima za koja se tereti, na način kako to propisuju prethodno citirane zakonske odredbe. Naime, navedene prilike optuženom krivična djela za koja se tereti nisu u potpunosti činjenično opisana, čime je isti uskraćen za mogućnost da se o istim izjasni.

U pogledu činjeničnog opisa krivičnog djela, u zapisniku o ispitivanju osumnjičenog su cijelosti izostali mjesto i vrijeme izvršenja krivičnih djela, a što je najbitnije, i način izvršenja istih, odnosno opis inkriminiranih radnji za koje se tada osumnjičeni S.S. tereti da ih je poduzeo. Iz zapisnika o saslušanju osumnjičenog sačinjenog u Kantonalnom tužilaštvu je navedeno da se osumnjičenom čita Naredba o provođenju istrage od 03.02.2015. godine ali u istom nije naveden sadržaj Naredbe.

Posmatrajući navedeno u međusobnoj vezi, ovaj sud zaključuje da prilikom upoznavanja tada osumnjičenog S.S. sa krivičnim djelima za koje se tereti, istom nije jasno ni u dovoljnoj mjeri predloženo za koja krivična djela se tereti, odnosno na koji način, gdje i kada se tereti da je predmetna krivična djela počinio, te se ne može izvesti zaključak da je isti obaviješten o krivičnim djelima u smislu odredbe člana 6. stav 1. ZKP FBiH.

Kako tada osumnjičenom nije dato adekvatno obavještenje o krivičnim djelima za koja se tereti, logično je da istom na adekvatan način nisu mogli biti predloženi ni osnovi sumnje protiv njega, čak i u situaciji kada su istom pobrojani dokazi iz kojih proizlaze osnovi sumnje da je isti počinio krivična djela. Navedeno jer pobrojanjem dokaza iz kojih proizlaze osnovi sumnje nije moguće kompenzovati prethodno utvrđene nedostatke u pogledu obavješćavanja o krivičnim djelima, niti se bez potpunog obavješćenja o krivičnim djelima može dati potpuno obavješćenje o osnovima sumnje da je osumnjičeni krivična djela počinio.

Takođe, okolnost da je kritične prilike tada osumnjičeni S.S. dao svoju odbranu, prema viđenju ovog suda ne dovodi u pitanje naprijed iznesene zaključke, jer je navedenu odbranu isti dao na osnovu lične pretpostavke o krivičnim djelima za koja se tereti, a ne na osnovu obavješćenja o istim koje mu je moralo biti saopšteno.

Imajući u vidu naprijed navedeno, sud je zaključio da je optuženi prije podizanja optužnice nije ispitan na način koji zakon propisuje, budući da isti prilikom ispitivanja nije adekvatno obaviješten o krivičnim djelima čime je onemogućen da se o istima izjasni. Shodno odredbi člana 240. stav 3. ZKP FBiH, predmetna optužnica nije mogla biti podignuta, a da optuženi

nije ispitan u skladu sa zakonom, a što predstavlja okolnost koja isključuje krivično gonjenje. Kod ovakvog stanja stvari, optužba se ima odbiti shodno odredbi člana 298. stav 1. tačka e) ZKP FBiH.

Imajući u vidu odredbu člana 305. stav 10. ZKP FBiH, kojom je propisano da se, u obrazloženju presude kojom se optužba odbija, sud neće upuštati u ocjenu glavne stvari, nego će se ograničiti samo na razloge za odbijanje optužbe, tako da drugi dokazi, osim zapisnika o ispitivanju osumnjičenog S.S. nisu ponovo cijenjeni, budući da isti ne bi mogli dovesti do drugačije odluke u pogledu razloga za odbijanje optužbe.

Na osnovu člana 212. stav 4. ZKP FBiH oštećeni H.F., R.S., B.M., P.N., H.F.1, I.M., P.A., "JP BH Pošta" d.o.o. Sarajevo, "Konzum" d.o.o. Sarajevo, Sportska kladionica "BH PLAY" d.o.o. Visoko, Sportska kladionica "5 Plus" d.o.o. Vitez, Firma "Kerametal" d.o.o. Ljubuški, prodajni centar Sarajevo, radi ostvarivanja imovinskopravnog zahtjeva upućuju se na parnicu.

Na osnovu odredbi člana 203. stav 1. ZKP FBiH, optuženi se oslobađa dužnosti plaćanja troškova krivičnog postupka i paušala, te isti padaju na teret budžetskih sredstava suda.

Zapisničar
Kurtović Kemija

Predsjednik vijeća
sudija
Igor Todorović

POUKA: Protiv ove presude dozvoljena je žalba Vrhovnom sudu FBiH u roku od 15 (petnaest) dana od dana prijema iste, putem ovog suda.